

MARCOS 15:1-14

REVIEW...

- **Marcos** – Ang Maayong Balita para sa mga Gentil – nagpakita nga si Jesus nagaalagad sa tanan - **Marcos 10:45**
- **MARCOS 10-13 - ANG KATAPUSAN NGA PAGLAKBAY SA JERUSALEM...**
- **CHAPTERS 14:1-25** – Preparasyon para sa Krus / Ang Paskwa
- **CHAPTERS 14:26-42** – Ang Hardin sang Gethsemane
 - Ginsugid ni Jesus sa mga disipulo nga talikuran nila Siya – vs. 31-32
 - Pedro – Bisan tanan sila mag-biya – indi gid ako mag-biya sa Imo!
 - Jesus – Antes matapos ang gab-i ipanghiwala mo ako 3 ka beses...
 - Sa hardin nangamuyo si Jesus 3 ka beses – Ginoo indi ang kagustohan ko kundi ang imo ang matuman
 - Didto Siya naghimo sang desisyon nga lukdohon Niya ang tanan nga sala - sang tanan nga tawo - sa tanan nga panahon!
- **CHAPTERS 14:43-52 – ANG PAGTRAIDOR KAY JESUS**
 - Nag-abot si Judas nga may dala nga mga kasoldadohan – kag isa ka halok – para traidoran ang Hari sang mga Hari
 - Maabtik nga nagbato si Pedro kag iya nautod ang dalunggan ni Malchus – pero ginbalik kag gin-ayo ni Jesus ang dalunggan
 - Sang ginpangita nila si Jesus – “AKO” – natumba sila tanan paatras
 - Nagsiling si Jesus kay Pedro nga masarangan Niya magtawag sang 72,000 ka mga anghel para magbulig sa Iya kon gustohon Niya
 - Wala sang may nagdala kay Jesus sa krus – Nagkadto Siya tungod sa Iya paghigugma sa tanan nga katawhan
- **CHAPTER 14:53-72 – ANG PAGLITIS KAY JESUS**
 - Muro-muro nga hustisya - Illegal nga paglitis nga ginhiwat sa balay ni Caiaphas nga Saserdote
 - Ang mga lideres sang Israel nagpangita sang mga sayop nga mga saksi batok kay Jesus – si Jesus nagpabilin nga nagahipos lang
 - Sa ila kalugaw-an nagdemanda sila nga mahibal-an kon si Jesus bala ang mesias - amo AKO
 - Sa pag-ako ni Jesus nga Siya ang Kristo – may pamatbat na sila – Dapat Siya mapatay
 - Samtang, si Pedro naga-tan-aw halin sa guha sa may luwang...
 - Nakilala siya sang isa ka babayi – isa ka sa ila – Ginpahiwala ni Pedro nga kilala niya si Jesus
 - Sa guha may nakakilala naman sa iya – may upod nga panumpa – Ginpahiwala na naman ni Pedro si Jesus
 - Sa ikatlo nga bes nakilala si Pedro sa iya nga panghambal – nanghiwala siya nga may dala pa nga pamuyyaw kag sumpa
 - Namalo ang manok – Nagbalikid si Jesus kag nagtulok – Nag-guha si Pedro kag nagluha sang mapait

ANG “PAGHINULSOL” NI JUDAS...

- **SANG AGA GINDUL-ONG NA SANG MGA LIDERES NGA JUDIO SI JESUS SA KAY PONTUS PILATO... vs. 1**
 - Gusto sang ma lideres nga Judio nga patyon si Jesus – pero wala sila sang awtoridad...
 - **Juan 18:31** – “Nagsiling si Pilato sa ila, “Dal-a ninyo siya kag kamo ang maghukom sa iya suno sa inyo kasuguan.” Nagsabat ang mga Judio, “Pero wala kami sing awtoridad nga magsentensya sing kamatayon sa tawo.”
 - Sang mga tion sang pagkabun-ag kay Jesu Cristo – Ginkuha sang Roma ang awtoridad sang mga Judio nga magpatuman sang sentensya nga kamatayon...
 - Makondenar lang sang mga lideres si Jesus – pero wala sila sang kinamatarong nga patyon siya...
 - Kinahanglan nila nga dal-on si Jesus sa nagapamuno nga Romano sang Judea – si Pontus Pilato
 - Pontius Pilate...
 - Ang Romano nga Gobernador sang probinsya sang Judea halin AD 26 asta 36...
 - Dyutay lang gid ang nahibaloan parte sa iya luwas sa pagsambit sang iya ngalan sa mga gospels...
 - Ang kakulangan sang ebidensya sa guha sang Bibliya – nagahatag sang pagduwa-duwa tuhay sa kon tu-od gid man ini siya...
 - Asta sang 1961 – may isa ka tableta nga bato ang nakit-an Caesarea nga may inskripsion parte sa iya nga nagpamat-od sang Bibliya
- **NAGBALIK SI JUDAS SA MGA SASERDOTE... (2 POINTS) – MATEO 27:3-10**
 - 1st - Sang nakita niya nga ginkodenar (*ginhukman*) si Jesus – naghinulsol si Judas...
 - Mabaskog nga sukmat sa iya nga pagtraidor ang nagahalawhaw sa kosyensya ni Judas ...
 - Kabalo siya nga nakasala siya sa pagtraidor sa isa ka inosente nga tawo...
 - Nagbalik siya sa mga lideres sang Judio – kag ginhaboy niya ang 30 ka pilak sa ila tiilan...
 - Ang mga lideres wala gid sang kasubo - okon simpatiya sa kay Judas...
 - Kon ano ang natabo - natabo na – ginhambalan nila siya nga ang iya desisyon iya lukdohon!
 - Basi makahunahuna ka nga nagbaylo na ang tagipusoon ni Judas – nga naghinulsol siya sa iya nga ginhimo...
 - Pero wala nagpalapit si Judas sa kay Jesus kag maghinulsol – okon sa Dios – para sa kapatawaran...
 - Ang iya nga paghinulsol para lang sa kasubo sang kon ano ang natabo – indi para sa iya nga mga ginhimo...
 - **II Corinthians 7:10** – “Kay ang kasubo nga suno sa kabubut-on sang Dios nagadala sa tawo sa paghinulsol, kag ina nagaresulta sing kaluwasan nga indi dapat hinulsulan. Pero ang kasubo sang mga tawo nga wala nagakilala sa Dios nagadala sa ila sa kamatayon.”
 - **Madali lang maghinulsol sa mga konsekwensya sang aton mga ginhimo...**
 - **Mabudlay makakita sang bisan isa man lang ka tawo sa sulod sang prisohan nga wala nagahinulsol - nga ara sila sa sulod**

- Pero may diyutay nga tuod gid nga nagahinulsol sa nahimo nila
- Ang paghinulsol tungod sa konsekwensya wala nagakambyo sang tagipusoon – Kalibutanon nga paghinulsol ina
- Ang matuod nga paghinulsol amo ang mahangpan naton nga nakasala kita batok sa Dios – kag magpangayo sang kapatawaran
- Ang matuod nga paghinulsol amo ang pagpalayo sa sala – kag pagpalapit kay Jesus!
- Naglakat si Judas kag ginbitay niya iya kaugalingon – naghikog...
 - Sa iya pinaka-ulihi nga akto, nakit-an ang kadalok sang tagipusoon ni Judas – ginwasi niya iya kaugalingon nga kabuhi...
 - Ang paghikog isa ka madalok (*maiya-iyahon*) nga obra – amo ina ang mahapos nga pagpalagyo sa mga tion sang kalisod
 - Imbes nga maghinulsol – atubangan ang mga konsekwensya sang mga desisyon – ini isa ka pag-palagyo
 - Ibilin ang tanan-tanan – mga pinalangga – para mag-antos sa mga konsekwensya
 - Pwede bala makakadto sa langit ang isa nga naghikog...
 - Wala sang ginahambal ang Bibliya – hipos lang gid tuhoy sa bagay nga ini...
 - Para sa isa nga nadulaan sang pinalangga tungod sa paghikog – masiling ko lang...
 - Umalagi kag hinali lang nga pag-desisyon nga binuang-buang – nahimo tungod sa desperasyon – indi makapanas sang grasya sang Dios
 - Para sa nagahunahuna sang ini nga paagi – masiling ko...
 - May mas maayo nga paagi – maghinulsol – magpainuboson kag itugyan mo ang imo kaugalingon sa grasya kag bugay sang Dios...
 - Bangod nga ang pinaka-ulihi mo nga gustohon amo ang magsulod sa eternidad nga may madako nga Palamangkotanon (*Question Mark*)
- 2nd - Ang balor sang Dugo...
 - Ginbilinan ni Judas ang mga Saserdote sang problema – kon ano ang himoon sa 30 ka bilog nga pilak ...
 - Indi nila pwede ibutang sa bahandian (*corban*) – Kwarta nga ginbayad sa dugo ini
 - Daw kaangay lang na sang mabaligya ka sang ilegal nga droga - kag ihatag ang kwarta sa simbahan
 - Amo nga nagbakal sila sang latagon sang isa ka maninohon – ‘Aceldama’ (*Latagon sang Dugo*)
 - Ginbakal nila ini para himoon nga lulubngan sang mga estranghero nga napatay sa Jerusalem...
 - Ang latagon ara sa manipis nga ulumhan sa bagatnan nga bahagi sang Valley of Hinnom...
 - Valley of Hinnom (*Topheth – lugar sang kalayo*) – Bagatnan nga nalupyakan sang Jerusalem
 - Ang nalupyakan nga kon diin si Hari Manasseh naghalad sang mga bata sa dios nga si Molech...
 - **II Kings 23:10** – “Gindagtaan man ni Josia ang halaran sang Tofet, sa Pulopatag sang Ben Hinom, agod wala sing may maghalad didto sang iya bata sa kalayo para kay Molec.”

- Ini nga nalupyakan gin tuhoy ni Jesus sa Bag-ong Katipan– **Mateo 10:28**
 - *Gehenna - gingamit* 12 ka beses sa Bag-ong Katipan – ‘The Valley of Hinnom’ – nagakahulugan nga - Impyerno
 - Gina-usar ni Jesus ang Valley of Hinnom para maglaragway – sang Impyerno – Paghukom sa eternidad
 - Ang latagon nga ginbakal usar ang padya ni Judas – amo ang Impyerno
 - Ang padya ni Judas sa iya pagtraidor kay Jesus – eternidad nga pagkahamulag sa Dios...
 - Wala ginasiling nga si Judas mas malain klase nga makasasala – indi kita mas maayo kay Judas!
 - Wala sang mga lebel ang mga makasasala – Mas madako okon magamay nga makasasala – tanan kita pareho nga makasasala lang
 - Nabakal ta na ang aton nga mga lugar sa eternidad gamit ang kabayaran sang aton sala
 - Aton paglaum – kon nagatuo kita – Napatay si Jesus para sa aton para nga makakadto kita sa langit!
 - Wala nagapadala ang Dios sang mga maayo nga tawo sa Impyerno – kay wala man sang maayo!
 - Ang makatilingala amo ang tungod kay Jesus – ang Dios nagapadala sang mga makasasala sa Langit!

JESUS SA ATUBANG NI PILATO... (3 POINTS) vs. 2-13

- 1st – ANG IKADUWA NGA PAGLITIS... vs. 2-5
 - Si Jesus (*Labing -gamhanan nga Dios*) gindala – nakagapos – para hukoman ni Pilato
 - Sa ika duwa nga tion ang mga Saserdote nag-akusar sa Iya (*3 ka akusasyon*)...
 - 1st - Gin-akusar nila nga si Jesus nagadumili sa pagbayad sang buwis sang Roma – **Lucas 23:2**
 - Ang mga lideres sang mga Judio nakapamangkot kay Jesus tuhoy sa pagbayad sang buwis kay Caesar – **Marcos 12:16-17**
 - Pero ang sabat ni Jesus amo nga kuhaon ang sensilyo sang Roma – nga may dagway ni Caesar...
 - Ihatag kay Caesar ang mga butang nga iya – pero ihatag sa Dios ang mga butang nga Iya sang Dios...
 - Amo nga wala sang kamatuoran sa una nga akusasyon...
 - Kon pilion ta nga magtindog para sa Ginoo– magkabuhi para kay Jesus– maghimo sang matarong
 - Pa-abota nga may mga tawo nga pakalainon kita – paguwaon nga daw buang-buang kita – bangod...
 - **John 15:19-** "Kon kaupod kamo sang mga tawo sang kalibutan, higugmaon kamo nila. Pero ginadumtan nila kamo tungod kay indi nila kamo kaupod kundi ginpili ko kamo halin sa ila."
- 2nd - Gin-akusar nila si Jesus nga ginhimo niya Iya kaugalingon nga Hari– **Lucas 23:2**
 - Seryoso ini nga akusasyon – may silot nga kamatayon...

- Ginpamangkot ni Pilato si Jesus – ‘Ikaw bala ang Hari sang mga Judio’ / nagsabat si Jesus – ‘Ikaw ang naghambal...’
- **John 18:36**–“Ang akon ginharian wala diri sa sining kalibutan. Kon ang akon ginharian diri sa sining kalibutan, kuntani nagpakig-away ang akon mga sumulunod agod indi ako madakop sang mga Judio. Pero sa pagkamatuod, ang akon ginharian wala diri sa sining kalibutan.”
- Wala nagkari si Jesus para sakopon ang Roma – Nagkari Siya para sakopon ang sala!
- Kon pakalainon ka sang mga tawo – ipakanubo ka – ipagwa nga daw buang-buang ka
- Panumdoma – amo ini kon ngaa nagkari si Jesus - para maghalad sang Iya kabuhi –para nga magluwas sang mga makasasala - magluwas sa ila
- Indi ka mangakig – indi pagbatyaga nga napaslawan ka – sa baylo magkaluoy ka – kinahanglan nila ang Ginoo
- 3rd - Gin-akusar nila Siya nga nagasiling siya nga Siya anganak sang Dios– **Juan 19:7**
 - Ini nga akusasyon nga matuod – Wala Siya nagasiling nga Siya ang Dios – kay Siya ang Dios!
 - Sang nabatian ini ni Pilato nagkahadlok siya – sa maayo nga rason!
 - Si Pilato wala nagapungko para hukman si Jesus – Si Pilato nagapungko sa atubangan sang Manog-hukom!
 - Mga tawo kinahanglan si Jesus –kay isa ka adlaw, tanan kita magatindog sa Iya atubangan - **Filipo 2:10-11**
 - Ang mismo nga mga tawo nga naga-akusar sa imo- nagayaguta sa imo – kag ginahimo ka nga kaladlawan tungod nagasunod ka kay Jesus...
 - Amo ang pagahukman isa ka adlaw sa ila nga kada tinaga - obra - kag hunahuna ...
 - Luwas na lang kon sila mag-tuad – maghinulsol – kag magbaton kay Jesus bilang Manluluwas kag Ginoo
- Samtang gina-akusar Siya sang mga saserdote - wala sang sabat si Jesus...
 - Namangkot si Pilato – Indi mo bala mabatian ang ginahambal nila batok sa imo...
 - Apang wala sang sabat si Jesus – bisan isa ka tinaga – Natingala gid si Pilato!
 - Ginahatagan kita ni Jesus sang pinaka-maayo nga solusyon kon madamo ang ginahambal parte sa aton...
 - Kon may naga-atake sa aton – nagapakalain sa aton – may ara kita duwa ka mapilian
 - Pwede kita kabato kag idepensa ang aton kaugalingon– okon pwede naton pabay-an nga ang Dios na lang ang magdepensa sa aton
 - Kun ang Dios ang magdepensa sa aton – Mabantay gid ang kalibutan kag makahayanghag !
- 2ND – **PAGHATAG SANG KAHIGAYONAN NGA MAGPILI... VS. 6-10**
- May kostumre si Pilato nga maghatag sang kahilwayan sa isa ka preso para sa Fiesta sang Paskwa ...
 - Sa isa ka akto nga kaayuhan – kag celebrasyon – hilwayon niya ang isa ka tawo halin sa prisohan...
 - Ginpapili niya ang kadam-an – Jesu Cristo Hari sang mga Judio okon *Jesus Barabbas* ...
 - Si Barabbas isa ka rebelde/kawatan/kag mamamatay tawo – **Lucas 23:19 / Juan 18:40**

- Nahimo gid ni Barabas ang mga gina-akusar kay Jesus – kag madamo pa!
- Ang pagpili ni Pilato sang preso gintuyo niya para maka pamat-od sang isa ka punto...
 - Nahibal-an niya nga gin-aresto sang mga Judio si Jesus kay nahisa sila – popular Siya sa kadam-an
 - Makit-an ni Pilato ang kahisa sang mga lideres sang relehiyon...
 - Indi siya mahaylo sang ila mga sayop nga mga akusasyon – nakit-an niya nga inosente si Jesus...
 - Sa masami gid– ang rason nga nagayaguta ang tawo kay tungod sa kahisa
 - Nahisa sila sa kon paano kita ginpakamaayo sang Dios – okon sa paglaum / katuyuan nga makit-an nila sa aton
 - Pero malaka lang sila makapatalang sa mga nagapalibot sa aton – kabalo ang mga tawo nga naga-atake sila tungod sa kahisa
 - Sa paghatag sang maathag nga pililian – isa ka pwerti ka makasasala nga tawo /okon isa ka INOSENTE nga tawo
 - Naglaum si Pilato nga ini magahayag sang tagipusoon kag mga tinutuyo sang mga lideres sang mga Judio ...
 - Amo man ini ang mga pililian nga dapat desisyonan sang tanan – ano ang himoon ta kay Jesus...
 - Masunod bala kita kay Jesus – okon pilion ta nga magsunod sa kadam-an...
- 3RD – PAGSIKWAY KAY JESUS... VS. 11-14
 - Ang mga Saserdote naglabugay (kaangay sang linog) sang mga kadam-an para ayo-on si Barabbas...
 - Sang namangkot si Pilato kon sin-o ang gusto nyo – nagsiling sila – si Barabbas!
 - Sang ginpamangkot sila kon ano ang himoon sa Hari sang mga Judio – nagsiling sila nga – ilansang Siya sa krus!
 - Ang kadam-an nga sang nagliligad lang nga mga adlaw nagasinggit – Hosanna - subong gusto na nga ipapatay si Jesus...
 - Mga abyan – bisan pamilya – mahapos madala sa mga opinyon sang mga tawo...
 - Kun nagadepende kita- nagatulok kita sa ila – mabudlay nga mag tindog para kay Jesus...
 - May huyog kita nga magsunod sa ila ginahambal / gina-obra – imbes nga magsunod sa ginahambal ni Jesus!
 - Namangkot si Pilato kon ano nga kalautan ang Iya nahimo...
 - Kombensido si Pilato sa pagka inosente ni Jesus – kag napa-andaman siya sang iya asawa...
 - Naka-damgo siya - indi magpasilabot sa tawo nga inosente – **Mateo 27:19**
 - Ang sabat sang kadam-an – padayon sila nga naga-singgit – ILANSANG!
 - **Juan 19:15** – “Gusto bala ninyo nga ipalansang ko sa krus ang inyo hari?” Nagsabat ang manugdumala nga mga pari, “Wala na kami sing iban pa nga hari kundi ang Emperador lang!”
 - Ang kalibutan indi makahatag sang maayo nga rason kun ngaa indi nila gusto si Jesus – ang Bibliya – ang Simbahan

- Tungod indi nila gusto nga akoon ang matuod nga rason - gusto nila ang ila nga sala – **Juan 3:19**
- Kon gusto naton nga pahamut-an ang kalibutan – sundon ang kadam-an – upod sa ilig (*go with the flow*)...
- Ginapili naton ini nga kalibutan imbes nga si Jesus - Nagakahulugan nga ginasiikway ta si Jesus - **Santiago 4:4**
- Salabton namon kag sang amon kabataan ang Iya dugo – **Matthew 27:25**
 - Amo ini ang mga tinaga nga naghatag sang madamo nga problema sa mga linibo na nga mga tuig
 - Sobra na 2 ka libo nga tuig, ginapasibangdan sang Simbahan ang mga Judio sa kamatayon ni Jesus
 - 1st – kon wala mapatay si Jesus – wala sang kapatawaran
 - 2nd – Indi ang mga Judio okon si Pilato ang nagbutang kay Jesus sa krus – kundi ang aton nga sala
 - 3rd – Ang mga kabataan indi resonsable sa mga sala sang ila ginikanan– **Ezekiel 18:20**
- Naghugas si Pilato sang iya mga kamot – **Mateo 27:24**
 - Sa pagpabutyag sang iya pagka inosente – Ginhugasan ni Pilato ang iya mga kamot
 - Nagasimbulo – pero indi matuod – may salabton si Pilato sa iya ginhimo...
 - Ginpili nya nga pahamut-an ang kadam-an – imbes nga himoon ang nahibaloan niya nga matarong...
 - Wala sang kinalain, pareho lang – ang mga nagsikway kay Jesus - ang mga nagtindog lang nga wala sang ginhimo
 - Wala sang tunga-tunga – nagatindog ka para kay Jesus – okon nagatindog ka para sa kalibutan...
 - Madala bala kita sang kadam-an– nabudlayan bala kita nga magtindog para sa Ginoo
 - Kaangay bala kita kay Pilato nga nagatinguha nga indi magpasilabot – isa ka tiil para kay Jesus – isa para sa kalibutan
 - Okon nagatindog kita para kay Cristo - nagabanaag sang kasanag ni Jesus sa kalibutan nga nagakinahanglan sa Iya!
- Ginhilway ni Pilato si Barabbas – Kag ginduhol niya si Jesus para ilansang sa krus.